

**Talamdan sa
Mga Mensahe alang sa Full-time Training
sa Fall Term sa 2024**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
GALACIA**

Mensahe 5

Dili na Ako ang Nabuhi kondili si Cristo ang Nabuhi sa Sulod Nako

Basahong Kasulatan: Gal. 2:19-20; 6:14-15; Rom. 6:6; Luc. 18:8; 2 Cor. 4:10-12; 5:14; Fil. 3:10

- I. Makita nato sa Galacia 2:20 ang labing sukaranong kamatuoran sa pamatigayon sa Dios sa Bag-ong Tugon—dili na ako kondili si Cristo ang nabuhi sa sulod nako.**
- II. Sa gilansang si Cristo sa krus sumala sa pamatigayon sa Dios, nalakip ta diha Niya; kamatuoran kini nga nahuman na—Rom. 6:6; Gal. 2:20; 6:14.**
- III. “Gilansang na ko sa krus uban ni Cristo”—2:20a; Rom. 6:6:**
 - A. Dili kita ang naglansang sa krus sa “ako” sa Galacia ug sa daang tawo sa Roma 6:6.
 - B. Ang “ako” ug ang daang tawo mao ang atong pagkamao.
 - C. Ang paglansang sa krus sa “ako” ug sa daang tawo kamatuoran nga gihuman ni Cristo sa krus—Gal. 2:20.
 - D. Dunay tulo ka aspeto ang kasinatian sa krus: (1) ang kamatuorang nahuman na ni Cristo (Rom. 6:6), (2) ang pag-aplikar nato sa nahuman na nga kamatuoran (Gal. 5:24), ug (3) ang pagsinati nato sa giaplikar nato, sa pagpas-an nato sa krus adlaw-adlaw (Mat. 16:24; Luc. 9:23).
- IV. “Dili na ako ang nabuhi, kondili si Cristo ang nabuhi sa sulod nako”—Gal. 2:20b:**
 - A. Ang ngalang *Cristo* labi gyong nagpasabot sa tahas ni Cristo, nga magtuman sa plano sa Dios; *ang Anak sa Dios* nagpasabot sa persona ni Cristo, nga magpaambit sa kinabuhi sa Dios nganhi nato.
 - B. Ang *dili na ako* wala magpasabot og gibayloang kinabuhi, sa kinabuhi nga nisulod si Cristo ug nipa-hawa ta.
 - C. Isip mga tawong gipanganak na pag-usab, duna tay daang “ako,” nga gilansang na sa krus (Rom. 6:6), nga kalabot niini niingon si Pablo og, “Dili na ko,” ug dunay bag-ong “ako,” nga kalabot niini niingon si Pablo og, “Gikinabuhi nako.”
 - D. Walay pagkadios ang daan ug natapos na nga “ako”; naanaa ang bag-ong “ako” sa pagkabanhaw sa daang “ako,” ug gidugang ang Dios niini.
 - E. Sa usa ka bahin, gitapos na si Pablo, apan sa laing bahin, buhi pa ang nabanhawng Pablo, ang gipanganak pag-usab sa Dios nga iyang kinabuhi.
 - F. Labot pa, bisan niingon si Pablo og “Dili na ako,” niingon sab siyag, “Si Cristo ang nabuhi sa sulod nako,” kay si Cristo man ang nabuhi, ugaling diha lang ni Pablo.
 - G. Ang duha, si Cristo ug si Pablo, dunay usang kinabuhi ug usang pagkinabuhi.
 - H. Namatay na ta diha ni Cristo tungod sa pagkamatay Niya, apan karon nabuhi Siya sa atong sulod tungod sa pagkabanhaw Niya—Fil. 3:10:
 1. Ang pagkabuhi Niya sa sulod nato hingpit gyong tungod sa pagka-Espiritu Niya nga taghatag-og-kinabuhi—1 Cor. 15:45b.
 2. Hingpit nga giugmad kining puntoha sa tanang capitulo human sa Galacia 2:20, nga niini gipadayag ug gipatin-aw pag-ayo ang Espiritu nga mao gyoy nadawat nato ingon nga kinabuhi ug maoy angay natong kinabuhian—3:2-3, 5, 14; 4:6, 29; 5:16-18, 22, 25; 6:8.
 - I. Gustong motuman sa kasugoan ang “ako,” ang natural nga tawo, aron mahingpit kini (Fil. 3:6), apan buot ang Dios nga magkinabuhi ta ni Cristo aron mapadayag ang Dios dinhi nato pinaagi Niya; busa,

ang pamatigayon sa Dios mao nga ilansang sa krus ang “ako” sa kamatayon ni Cristo ug mabuhi si Cristo sa sulod nato sa Iyang pagkabanhaw—Juan 11:25a; Fil. 3:10; 2 Cor. 4:10-12.

V. “Ang kinabuhing gikinabuhi nako karon sa unod, gikinabuhi nako sa pagtuo, sa pagtuo sa Anak sa Dios”—Gal. 2:20c:

- A. Naa sa pagtuo ang pamatigayon sa Dios—1 Tim. 1:4:
 - 1. Ang pagtuo mao ang bugtong-talagsaong paagi nga matuman sa Dios ang pamatigayon Niya sa Bag-ong Tugon—Heb. 11:6.
 - 2. Sa Bag-ong Tugon, duha ang kahulogan sa *pagtuo*—objectibo and subjectibo:
 - a. Sa objectibong kahulogan, nagpasabot ang pagtuo sa tibuok pinadayag sa Bag-ong Tugon mahitungod sa persona ni Cristo ug sa Iyang buhat sa pagtubos—Buh. 6:7; 14:22, Rom. 16:26; 1 Cor. 16:13; 1 Tim. 1:19b; Jud. 3, 20.
 - b. Sa subjectibong kahulogan, nagpasabot ang pagtuo sa buhat sa pagtuo—Luc. 18:8; Mar. 11:22; 1 Tim. 1:19a.
 - 3. May kalabotan sa pagtuo ang pamatigayon sa Dios, sa ato pa, naa sa ginsakpan ug elemento sa pagtuo, naa sa Dios pinaagi ni Cristo.
 - 4. Ang pamatigayon sa Dios sa Bag-ong Tugon, nga mao ang pagpaambit sa Iyang Kaugalingon nganha sa Iyang piniling katawhan, wala sa natural nga ginsakpan o sa buhat ba sa kasugoan; naa hinuon kini sa espirituhanong ginsakpan sa bag-ong kabuhatan pinaagi sa pag-anak pag-usab tungod sa pagtuo diha ni Cristo—Gal. 6:14-15; 3:23-26.
- B. Sa Bag-ong Tugon, dunay diosnong aspeto ug tawhanong aspeto ang pagtuo, kay nagpasabot man kini nga dunay bahin sa Dios ug bahin nato:
 - 1. Sa bahin sa Dios, nagpasabot *ang pagtuo* nga gipadala sa Dios ang Iyang Anak nganhi sa yuta, nga namatay si Cristo sa krus aron maghuman sa pagtubos, nga gilubong ug nabanhaw Siya, ug nga sa pagkabanhaw gipagula Niya ang diosnong kinabuhi ug nahimong Espiritung taghatag-og-kinabuhi—1 Cor. 15:45b.
 - 2. Sa atong bahin, ang pagtuo may kalabotan sa pagpamati, pagtamod, pagtawag, pagdawat, paghangop, pagpakig-usa, pag-ambit, pagpahimulos, pagmaya, pagpasalamat, pagdayeg, ug pagawas.
 - 3. Sa pagkatinuod ang pagtuo mao ang malangkobon-sa-tanan nga Tulo-usang Dios nga gipatuhop sa atong pagkatawo—2 Cor. 5:7; 13:14.
- C. Mga anak tang tanan sa Dios tungod sa pagtuo nato ni Cristo Jesus—Gal. 3:26.

VI. “Ang Anak sa Dios, nga nahigugma nako ug nitugyan sa Iyang Kaugalingon alang nako”—2:20d:

- A. Gihigugma ta sa Anak sa Dios ug gituyo Niyag tugyan ang Iyang Kaugalingon alang nato aron ika-paambit Niya ang diosnong kinabuhi kanato—Juan 3:16; 13:1.
- B. Gilansang na sa krus ang daang tawo uban ni Cristo, ug nabuhi na si Cristo karon sa sulod nako, nga bag-ong tawo.
- C. Ang kinabuhing gikinabuhi nato karon, gikinabuhi nato sa pagtuo, sa pagtuo sa Anak sa Dios, nga nahigugma nato ug nitugyan sa Iyang Kaugalingon alang nato:
 - 1. Gipugngan ta sa gugma ni Cristo aron dili na magkinabuhi nganha sa atong kaugalingon—2 Cor. 5:14-15.
 - 2. Nahigugma Siya nato ug nitugyan sa Iyang Kaugalingon alang nato; karon nahigugma ta Niya ug nabuhi pinaagi Niya.
- D. “Unsay makabulag nako [gikan Nimo]? / Wala, kay ang gugma Mo / Hangtod man sa katapusan, / Makig-usa, magsakot! / Ako Imo, Ikaw ako, / Hingpit gayod nga usa! / Magpamatuod’s gugma Mo: / Mag-usa nato’s dayon! —*Mga Alawiton*, #152, estansa 4.